

Na osnovu provedenog postupka u skladu sa članom 90. Zakona o javnim nabavkama Bosne i Hercegovine ("Službeni glasnik BiH", br. 39/14), Pravilnika o postupku direktnog sporazuma ("Sl. Glasnik BiH", br. 90/14), Pravilnika o postupku direktnog sporazuma J.U. Zavoda za javno zdravstvo Kantona Sarajevo i na osnovu Odluke o prihvatanju cijene ponuđača broj: 05.12.101-3623-Odluka o prihvatanju cijene/19 od 10.10.2019. godine, zaključuje se:

## **UGOVOR O POSREDOVANJU U NAPLATI POTRAŽIVANJA**

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr. Mustafe Pintola br. 1/III, Ilidža – Sarajevo, identifikacioni broj: 4200329950003, koga zastupa Prof.dr.sci.med. Aida Pilav, direktorica (u daljem tekstu: Nalogodavac)

i

**LRC Inženjering d.o.o. Sarajevo**, ul. Dr. Fetaha Bećirbegovića br. 1b, Sarajevo, identifikacioni broj: 4200409550006, kojeg zastupa Adnan Hrenovica, director (u daljem tekstu: Posrednik), zaključili su:

### **Član 1.**

Ovim ugovorom uređuju se odnosi između Nalogodavca i Posrednika, a koji se odnose na posredovanje u naplati potraživanja koja Nalogodavac ima prema određenim dužnicima, a koja su navedena u Aneksu ovog Ugovora.

### **Član 2.**

Ugovorne strane su saglasne da Nalogodavac daje nalog Posredniku za sprovođenje naplate potraživanja prema dužniku (dužnicima) iz Anexa ovog Ugovora, a Posrednik preuzima obavezu da posreduje u naplati potraživanja, direktnim upitom prema dužnicima.

Nalogodavac se obavezuje preduzeti sve potrebne mjere da podaci koje dostavi LRC-u budu tačni i pravovaljani, a u slučaju dostavljanja netačnog podatka se obavezuje da će preduzeti sve potrebne radnje da ispravi netačan podatak istog momenta kada je greška uočena, te snositi punu odgovornost ukoliko je tom greškom nanesena šteta drugim licima.

Nalogodavac se obavezuje da će držati u tajnosti sve podatke koje dobije od LRC-a, i da ni pod kojim okolnostima neće objavljivati ove podatke, niti ih ustupati trećim licima.

### **Član 3.**

Posrednik se obavezuje da će obavještavati Nalogodavca o svim okolnostima značajnim za naplatu potraživanja.

Posrednik ne odgovara ako, i pored potrebne brižljivosti i svih sprovedenih procedura za naplatu potraživanja, ne uspije naplatiti potraživanje od dužnika.

### **Član 4.**

Nalogodavac se obavezuje da će Posredniku u naplati potraživanja prepustiti pravo da pregovara direktno sa dužnikom o naplati duga, te da nakon potpisivanja Ugovora neće

kontaktirati dužnika u periodu trajanja posredovanja u naplati potraživanja predviđenog ovim Ugovorom.

#### Član 5.

Nalogodavac se obavezuje Posredniku platiti proviziju na naplaćeni iznos, i to u strukturi:

Iznos	500.00 – 5,000.01	5,000.01 – 10,000.00	preko 10,000.00
Starost*	5,000.00 KM	10,000.00 KM	10,000.00 KM
do 90 dana	8%	7%	6%
91 – 180 dana	9%	8%	7%
181 – 365 dana	10%	9%	8%
preko 365 dana	10%	10%	9%
Potraživanja do 300 KM	Fiksna provizija 30,00 KM		
Potraživanja od 301 do 500 KM	Fiksna provizija 50,00 KM		

Na iznos iz stava 1. ovog člana se zaračunava porez na dodatnu vrijednost (PDV) u skladu sa zakonskim propisima.

Plaćanje se vrši na način da Posrednik po primljenoj informaciji o uplaćenom iznosu potraživanja Nalogodavcu izdaje fakturu za svoje usluge posredovanja u naplati potraživanja u visini predviđenoj stavom 1. ovog člana, koju je Nalogodavac obavezan platiti u roku od 30 (trideset) dana od dana ispostavljanja fakture.

Plaćanje se vrši isključivo u BAM valuti, a svako kašnjenje u plaćanju fakturisanog iznosa u periodu dužem od 30 (trideset) dana će biti evidentirano uz ime Nalogodavca kao potraživanje u kašnjenju u bazi podataka LRC Inženjeringa d.o.o. Sarajevo. Ukupna procijenjena vrijednost iznosi do 3.000,00 KM bez PDV-a.

#### Član 6.

Ugovorne strane su saglasne da u slučaju direktne nagodbe Nalogodavca i dužnika, kao i ukoliko do izmirenja potraživanja dodje putem kompenzacije, cesije ili povrata robe, sve suprotno odredbi člana 4. ovog Ugovora, Posrednik zadržava pravo na proviziju navedenu u članu 5. ovog Ugovora obračunatu na ukupan iznos potraživanja koja su predmet ovog Ugovora, a koja su navedena u Aneksu ovog Ugovora.

#### Član 7.

Ugovorne strane su saglasne da se ovaj Ugovor o posredovanju u naplati potraživanja zaključuje na period od 12 (dvanaest) mjeseci, sa mogućnošću produženja, uz izričitu saglasnost Nalogodavca.

#### Član 8.

U slučaju povlačenja naloga o posredovanju u naplati potraživanja prije isteka roka iz člana 7. ovog Ugovora, bez saglasnosti posrednika, Nalogodavac se obavezuje isplatiti proviziju iz člana 5. ovog ugovora obračunatu na ukupan iznos potraživanja koja su predmet ovog Ugovora, a koja su navedena u Aneksu ovog Ugovora.

člana 5. ovog ugovora obračunatu na ukupan iznos potraživanja koja su predmet ovog Ugovora, a koja su navedena u Anexu ovog Ugovora.

#### Član 9.

U slučaju da Nalogodavac proslijedi podatak o dospjelom a nenaplaćenom potraživanju, a naknadno se uspostavi da je isti od strane dužnika već plaćen, Nalogodavac se obavezuje isplatiti naknadu u visini od 100 KM Posredniku za troškove pokretanja procesa naplate.

#### Član 10.

Potpisivanjem ovog Ugovora Nalogodavac potvrđuje vjerodostojnost o dospjelim, a nenaplaćenim potraživanjima prema licima iz Anexa 1. ovog ugovora, i pod punom moralnom i materijalnom odgovornošću odgovara za istinitost istih.

Nalogodavac se obavezuje da će potpisivanjem ovog Ugovora dostaviti sve potrebne informacije radi identifikacije dužnika, kao i dospjelih potraživanja prema dužniku, te svu potrebnu dokumentaciju koju zatraži Posrednik iz Anexa 1. ovog Ugovora.

#### Član 11.

Ugovorne strane su saglasne da će Nalogodavac periodično putem e-mail.a primati obavještenja o novitetima, promjenama i drugim informacijama vezano za LRC usluge, te druge informacije sa tržišta.

#### Član 12.

Ugovorne strane su saglasne da će sve sporove iz ovog ugovora rješavati sporazumno. U slučaju spora nadležan je sud u Sarajevu.

#### Član 13.

Ugovor je sačinjen u 4 (četiri) istovjetna primjerka, od kojih svakoj od strana pripadaju po 2 (dva) primjerka.

Ugovorne strane su saglasne da ugovor stupa na snagu danom potpisa objiju strana.

ZAVOD ZA JAVNO ZDRAVSTVO KS

Prof. dr. sci. med. Aida Pilav

(potpis predstavnika)

M.P.

Broj: 05.12.101-5942-Ugovor/19  
Sarajevo, 17.10.2019.

LRC Inženjering  
kojeg zastupa Adnan Hrenovica

(potpis predstavnika LRC)

M.P.